

Ծոռո կսլս  
**ZAKI**  
 na քսքսոն տն

Ծոռո կսլս Zaki na քսքսոն տն na brt dԻbam կսլս տն  
 մս տնտս

Դի Բսդտ նտ կսլս ԿՅ ԿՅ Zaki ԿՅԼՅ na ԿՅ Zezi nyaant տն մս  
 քսքսոն տոռո կսնտս. Օ ճԵԵՆ քսքսոն Օ ԲԱ ՄԵ ռոռոնա  
 ԲաԼՅ maama na jagt lսgս Բադա նտ տն մս, Օ ma brt-ba Բա  
 na maդt ստ Բա taa դԿԵ te maդa maama ԿՅՆՏ տն.

Zaki դոռոնտ ԿՅճնս ԿՅԵՆս ԿՅԵՆս ԿՅԵՆս taant մս:

ԿՅ na ԿՅ nadunni ԿՅԵՆս ԿՅԵՆս ԿՅԵՆս ԿՅԵՆս,

naa ԿՅ na ԿՅ maդտմ na ԿՅԵՆս ԿՅԵՆս ԿՅԵՆս.

Օ brt նտ ԿՅԵՆս na ԿՅԵՆս ԿՅԵՆս ԿՅԵՆս, ԿՅ maդt ստ ԿՅԵՆս  
 taant ԿՅԵՆս na brt dԻbam ստ ԿՅԵՆս ԿՅԵՆս (քոռոնմ  
 1).

Օ ma brt նտ ԿՅ ԿՅ maդt ստ ԿՅԵՆս ռոռոնա ԿՅԵՆս, ԿՅ Օ  
 brt նտ ԿՅԵՆս-ԿՅԵՆս ԿՅԵՆս ԿՅԵՆս-ԿՅԵՆս ԿՅԵՆս ԿՅԵՆս (քոռոնմ  
 2).

Օ ԿՅԵՆս ԿՅԵՆս ԿՅԵՆս ԿՅԵՆս ԿՅԵՆս ԿՅԵՆս, ԿՅ Օ brt dԻbam  
 swan ԿՅԵՆս ԿՅԵՆս na ԿՅԵՆս te տն (քոռոնմ 3).

Օ laan ma kaant ԿՅԵՆս na maդt ԿՅԵՆս տն, ԿՅԵՆս ԿՅԵՆս-ԿՅԵՆս,  
 ԿՅԵՆս ԿՅԵՆս ԿՅԵՆս taant տն, ԿՅԵՆս ԿՅԵՆս na ԿՅԵՆս  
 kamunni, ԿՅԵՆս ԿՅԵՆս na ԿՅԵՆս nadunə տն (Zaki 4:1–5:6).

Ծոռո կսլս ԿՅԵՆս ԿՅԵՆս նտ, Օ ԿՅԵՆս ռոռոնա ստ ԿՅԵՆս  
 յոդտ ԿՅԵՆս-zuru ստ ԿՅԵՆս ԿՅԵՆս ԿՅԵՆս, ԿՅԵՆս na ԿՅԵՆս,  
 naa ԿՅԵՆս na ԿՅԵՆս ԿՅԵՆս ԿՅԵՆս maդa նտ ԿՅԵՆս  
 (Zaki 5:7-20).

Zaki տոռո կսլս brt նտ, n na ստնտ n ԿՅԵՆս ԿՅԵՆս-ԿՅԵՆս ԿՅԵՆս  
 ԿՅԵՆս n տնտնա maama ԿՅԵՆս ԿՅԵՆս մս, ԿՅԵՆս «ռոռոնս na ԿՅԵՆս  
 Օ ԿՅԵՆս ԿՅԵՆս-ԿՅԵՆս ԿՅԵՆս ԿՅԵՆս ԿՅԵՆս ԿՅԵՆս, ԿՅԵՆս ԿՅԵՆս  
 մս» (Zaki 2:26).



lam dım je. Kú nan yí búdwı mú dı nadunə na wú ba ba tı ba jıjıgırb tım lagım wbnı te tın.

**K**úlv na maıjı nɔɔna sı ba kı lwarım tın

<sup>12</sup> Nɔɔnb wúlv na wú cam wbnı yı o zıgı kəıjkəı dı pu-dıa sı kú vu kú yı kweelim tın mú jıgı yu-yoıo. Bəııwaant, cam dım na kə, o laan wú na pəeri dılv na yı ııwa cıga cıga tın Wə tee nı. ııwa kam kúntú mú Wə goni ni sı Dı pa balú maama na so-Dı tın.

<sup>13</sup> Nɔɔnb na nə maıjım, o yı zaıjı o ta nı Wə mú maıj-o, sı kúlvkúlv tərə kú na wú want kú maıjı Wə sı Dı tısi, yı Wə tıttı b́a maıjı nɔɔnb sı o tısi. <sup>14</sup> Woıo kúlv na maıjı nɔɔnb tın yı o tıttı wúbuıa mú. Yantú mú paı o fra zúbrı wo-balwaarú, yı ya gan-o ya paı o tıvı cıgırb wbnı. <sup>15</sup> Nmú na sə n tɔgı n wúbuı-balwaarú tım, tı laan wú pa n kı wo-lwaanú mú, yı wo-lwaanú tım na pulı tı daga, tı laan wú ja-m tı zú tıbnı wbnı mú.

<sup>16</sup> A ko-bu-sonnu-ba, á yı zaıjı á gant á tıttı. <sup>17</sup> Pəeri dılv maama na lana dı wənu tılv na maıjı fast tın nunı dı Ko Wə tee nı mú. Dıntú mú kı wənu tılv maama na wú wəyuu nı yı tı paı pooni tın. Wənu tım kúntú mú yəni tı wat tı pipiri wıa dı tıttı. Wə nan ba jıgı lim dı fınfıtın dı, Dı ba ləni nı tıntú wənu tım te. <sup>18</sup> Wə tıttı mú lı wúbuıa Dı tɔgı Dı cıga kwər-ywəıə kam ııwaant Dı pa dı na Dı ııwı-dııa kam, sı dı taá yı balú na yı dayıgə tiınə wənu tılv maama Dı na kı tın wbnı.

**Dı** maıjı sı dı kı Wə kwər-ywəıə kam na wı dı kı te tın mú

<sup>19</sup> A ko-bu-sonnu-ba, á ye nı a na tə kúlv dı abam tın yı cıga mú. Nɔɔnb maama maıjı sı o zıri o yıra mú o taa cəgi o doıı taant, sı o yı taa gart o lərə. O maıjı sı o ja o bant mú. <sup>20</sup> Bəııwaant nɔɔnb wúlv bam na zaıjı tın b́a want o kı wo-laarú tılv na sui Wə wú tın.

<sup>21</sup> Kuntv ηwaanı, lı-na wo-digiru tılv maama na wv á wvnt tın á yagı, sı á cı á tıttı dı tıttvη-balwaarv dwi maama kəm. WE maηı Dı kwe Dı taant dım Dı kı abam bıcara nı. Nan tu-na á tıttı á sε-dı lanyıranı, sı dı wv want dı vrı abam dı yagı.

<sup>22-23</sup> Á nan taá kı-na WE taant dım na wı te tın, sı kv ta dat cəgim yıranı. Nɔɔnv na cəgi WE taant dım yı o ba kı dı na brı te tın, o gant o tıttı mv. O nyt nı nɔɔnv na kwe niu o ma nii o tıttı te tın mv. <sup>24</sup> O na nii o yibiyə na yı te tın yı o laan viiri, o da swe o yibiyə kam na yı te tın. <sup>25</sup> Kv nan na yı WE taant dım, dıntv lana fast yı dı wat dı jɔηı nɔɔna dı pa ba na ba tıttı. Nɔɔnv na zaast-dı yı o jıgtı-dı o yuu nı maηa maama, o bá ta nyt dı wlv na garı o swe cıga kalv o na lwart tın. Kuntv tu yı wlv na sıntı o kı WE cıga kam na brı te tın mv, yı oó na wvpolo lanyıranı o tıttvηa maama baηa nı.

<sup>26</sup> Abam wlv na bıηı nı o tɔgtı WE yı o wart o ni-taant o ja, kuntv tu gant o tıttı mv yı o WE tɔgtım dım yı kafε mv. <sup>27</sup> Dı Ko WE nan na lagı sı dı sε-Dı te tın mv yı sı dı taá zəni bıtara dı kadənə balv na yaart tın, sı dı kwaantı dı cı dı tıttı dı lvgv baηa wo-yɔɔrv tım. WE tɔgtım dım kuntv doη mv tiini kv lamma yı tusim təri kv wvntı.

## 2

*Dı wv maηı sı dı taá kuri nɔɔna daant*

<sup>1</sup> A ko-bıə-ba, abam yı balv na sıntı á sε dı Yuutu Zezi Kriı wlv na jıgtı paartı zulə tın mv. Kuntv ηwaanı, kv wv maηı sı á taá kuri nɔɔna daant dı á na zuli-ba te tın.

<sup>2</sup> Abam na jeeri daant sı á wart WE, kv ba dwe sı nɔɔna bale ba abam te. Dıdva maa yı nadum o zv gwar-ηvntv, yı o kı səbu-sıηa jafvltı o jıηa nı. O doη wvm maa yı yinıgə tu, yı o zv gan-zwaanv. <sup>3</sup> Kv wat sı á jeeri nadum

wum lanytrant yl á pa-o jəŋə je, á daart á ta dt yinigə tu wum nt, o taa zigt daa nt, naa o jəni tɪga nt á nɛ niə nt. <sup>4</sup> Á na pɔɔrt-ba daant kʊntʊ doŋ, kʊ brɪ nt á kuri nɔɔna daant mʊ. Kʊ nan yɪ wʊbʊŋ-lwaanʊ mʊ pat á pɔɔrt nɔɔna daant kʊntʊ.

<sup>5</sup> A ko-bu-sonnu-ba, fɔgt-na á cəgi. Wɛ mʊ sɪnt Dɪ kuri balʊ na yɪ yinigə tiinə nabiinə yibiyə nt tɪn, st ba taa yɪ nadunə Dɪ tee nt ba na kɪ ba wʊ-dɪdʊa dt Zezi tɪn ŋwaant, st ba tɔgt ba wəli Dɪ paart dɪlʊ Dɪ na maŋt Dɪ go ni st Dɪ pa balʊ na so-Dɪ tɪn wʊnt. <sup>6</sup> Kʊ nan na yɪ kʊntʊ tɪn, bɛɛ mʊ kɪa yɪ á gooni yinigə tiinə bam? Kʊ dat nadunə bam mʊ jɪgt abam ba bɛɛst na? Bantʊ mʊ yəni ba ja abam dt dam ba ja vu ba saŋt sariya dim je nt. <sup>7</sup> Bantʊ mʊ jɪgt Zezi yɪr-ŋʊm dɪlʊ ba na bə abam nt o biə tɪn ba twɪa.

<sup>8</sup> Abam na sɛ Baŋa-Wɛ ni dɪlʊ na pʊpʊnt Wɛ tɔɔ kʊm wʊnt dt wɪ: «Ta n soe n doŋ nt n tɪtɪ te» tɪn, á kɪ lanytrant. <sup>9</sup> Kʊ daart, á na pɔɔrt nɔɔna daant dt á na zuli-ba te tɪn, kʊ brɪ nt á kɪ lwarɪm mʊ, yɪ Wɛ niə yam brɪ nt á kɪ á cəgt mʊ. <sup>10</sup> Nɔɔnʊ na sɛ Wɛ niə yam maama yɪ o daart o cəgt ya dɪdʊa ytrant, kʊ brɪ nt o cəgt ya maama mʊ. <sup>11</sup> Wɛ mʊ pɛ Dɪ ni Dɪ wɪ: «Yɪ zaŋt n kɪ boorim.» Dɪntʊ nan ta mʊ wɪ: «Yɪ gʊ nɔɔnʊ.» Mʊ kʊ kuri, n na maŋt n wʊ kɪ boorim, yɪ n na gʊ nɔɔnʊ, kʊ brɪ nt n ta cəgt Wɛ ni mʊ.

<sup>12</sup> Taá pa-na á ni-taant dt á kikiə maama taa tɔgt Wɛ ni, st dɪntʊ mʊ wat dt vrɪ nɔɔna dt pa ba nat ba tɪtɪ, st Wɛ wʊ tɔgt Dɪ ni dɪm kʊntʊ ŋwaant mʊ Dɪ ma di dɪbam sariya. <sup>13</sup> Bɛŋwaant, nɔɔnʊ na ba jɪgt o donnə ŋwaŋa, Wɛ na wʊ di kʊntʊ tu sariya maŋa kalʊ tɪn, Dɪ bá duri o dt yibwənə. Wʊlʊ nan na jɪgt o donnə ŋwaŋa tɪn, Wɛ dt wʊ duri o yibwənə st o yɪ na cam.

Wuɓu na jıgti wu-dıɗɗa dı WE tın ki kəm-laaru mu

<sup>14</sup> A ko-biɗ-ba, nɔɔnu na te o wi, wum ki o wu-dıɗɗa dı WE, yi o laan ba ki WE na lagı te tın, ku jıgti kuri na? O WE tɔgım dım kuntu wú wantı dı vri-o dı yagı na?

<sup>15</sup> De dıɓ n ko-bu dıɗɗa na tu nmı te yi o ba jıgti gɔɔɔ st o zu dı o ni-wuɗıu st o di, <sup>16</sup> yi nmı na tagı dıd-o n wi, o ve st WE wú zən-o Dı pa o na gɔɔɔ dı o ni-wuɗıu, yi n laan daartı n wu pɛ-o kulı o na lagı tın, ku jıgti kuri na? <sup>17</sup> WE tɔgım dı yi kuntu mu. Nmı na te nı n ki n wu-dıɗɗa dı WE, yi n laan daartı n ba ki kəm-laaru, ku brı nı n WE tɔgım dım yi kafɛ mu.

<sup>18</sup> Nɔɔnu watı o te nı, nɔɔna babam ki ba wu-dıɗɗa mu dı WE, yi badaara ki kəm-laaru. Amı nan na ləri te tın mu tuntu: «Nmı na ba ki kəm-laaru tın, nı ki ta mu n brı nı n suntu n ki n wu-dıɗɗa dı WE? Ku nan na yi amı, áá ma a kəm-laaru tım mu a brı nı a suntu a ki a wu-dıɗɗa dı WE.»

<sup>19</sup> Nmı se nı WE yi dıɗɗa yırantı mu na? N na se kuntu, ku lana. Ciciri tıttı dı ye kuntu, yi ku patı sı yıra satı. <sup>20</sup> N ba jıgti wuɓuɗa mu na? N yəri nı, n na wi n ki n wu-dıɗɗa dı WE yi n ba ki kəm-laaru, ku yi kafɛ mu na? <sup>21</sup> Nan guli-na dıbam nabaaru Abraham deen na yi te tın. Ku ki ta mu yi o na cıga WE tee nı? Ku yi o tıtuɗa yam ɗwaantı mu, dı o na se o kwe o bu Yizakı sı o ma kaantı WE nı Dı na tag-o te tın. <sup>22</sup> Ku brı nı o na ki o wu-dıɗɗa dı WE te tın dıdaantı o kəm-laaru tım maama tɔgtı daantı mu. O kəm-laaru tım mu pɛ o WE tɔgım dım ja kuri. <sup>23</sup> Kuntu mu, kulı na puɓuɓı WE tɔɔɔ kum wuntu tın suntu ku ki dı ku na wi: «Abraham ki o wu-dıɗɗa dı WE, yi Dı pa o na cıga ku ɗwaantı». Ba ma ba-o nı «WE cilɔɗ».

<sup>24</sup> Kuntu wú pa á lwarı nı, ku yi nɔɔnu tıtuɗa mu wəli da ku patı o na cıga WE tee nı, sı ku datı o na ki o wu-dıɗɗa dı WE tın yırantı ɗwaantı. <sup>25</sup> Ku deen nan

ki kuntu di mu di ka-tula kalu yiri na yi Rahabi tin. Yistrayeli tiine bam deen na buri ba daan-daana bam yi ba da o te tin, o jeeri-ba lanyirani yi o bri-ba cwane si ba tugi da ba ma lu ba duna bam jina ni. O tituna yam kuntu mu pe o na ciga we tee ni.

<sup>26</sup> Kuntu maama bri ni, nkonu na wi o ki o wu-didwa di we yi o ba ki kam-laru, ku yi kafe mu. Ku yi bidwi mu di nkonu yira na ba jigi joro, wuntu yi tu mu.

### 3

Dı na manı sı dı yiri dı tıti di dı ni-taant te tin

<sup>1</sup> A ko-biə-ba, abam zanzan yi zanı á taá kwaana sı á ji karanyına tiine. Bejwaant á ye ni, we sarıya de dım ni kú ta tiini ku cana ku pa dibam balu na yi karanyına tiine tin ku dwe nkonu maama. <sup>2</sup> Dibam maama yəni dı ki dı tusə mu. Ku daari nkonu wulu nan na ba ki o tusə o ni-taant wuntı tin yi nkon-ğum mu, yi o wat o tıti o jaant lanyirani.

<sup>3</sup> Nkonu na yəni o lagı o di sisəne, oó kwe gara mu o ki ka ni ni, sı o want o pa ka vu me di me o na lagı tin.

<sup>4</sup> Nan burı-na á nii, naboro na yi kamunu te yi vu-du ta yəni ku jigi-ku ku maga, yi wulu na co-ku tin ta wat o ma nanyu-balaña o maa pat ku ve o na lagı me tin. <sup>5</sup> Ku nan ta yi bidwi mu di nkonu dındəlimi na yi te tin. Di yi balan-lana mu, yi di wat di te wo-kamunnu di pat di tıti.

Nan ta burı-na á nii kagwa na mat te, yi min-cıno na tu ka wuntı, kú di ka maama mu. <sup>6</sup> Nkonu dındəlimi di nan nyı di mini mu, yi di su di lugu bane wo-lwaanu tım dwi maama. Di yi yira yam daa didwa mu, yi di wo-lwaanu tım laan wat ti lonı yira yam maama. Dındəlimi jigi mini mu di maa zwe nkonu di o ğwta maama di pa ka ba lana. Mini dım kuntu nan nuji sutaant te mu.

<sup>7</sup> Nabiinu wat wænu dwi maama. Ku na yɪ ga-vara dɪ zunə dɪ tɪga wo-vælu dɪ kale, o sɪntɪ o want tɪ maama. <sup>8</sup> Ku nan na yɪ dindəlimi, nɔɔn-nɔɔnu tərə o na wat o dindəlimi. Dɪ yɪ wo-lɔŋɔ kɪlɪ na wart ku cɪ tɪn mu, yɪ dɪ kwəri dɪ jɪgt coŋo kɪlɪ na gɪt nɔɔna tɪn. <sup>9</sup> Dɪ yəni dɪ ma dɪntu mu dɪ maa tee WE dɪlɪ na yɪ dɪ Yuutu dɪdaant dɪ Ko tɪn, yɪ dɪntu mu dɪ ta maa sɔɔlɪ dɪ cɔgt dɪ donnə balɪ WE na kɪ nɪ Dɪ nyɪnyɔgɪ te tɪn. <sup>10</sup> Kuntɪ tɪn, tɪə dɪ cɔgtɪm maama nuŋi ni dɪm kuntɪ dɪdɪba wɔnt mu. A ko-biə-ba, ku wɪ maŋt sɪ ku taa yɪ kuntɪ. <sup>11</sup> Buli-yi dɪdɪba bá want dɪ taa buri na-ywənə dɪ na-cɛɛra dɪ wɔnt. <sup>12</sup> A ko-biə-ba, kapɪrɪ bá want ku læ swan. Kakɔnɔ dɪ nan bá want ku læ mɔɔla. Ku nan yɪ bɪdwɪ mu dɪ n na bá want n mɔ na-ŋɔna bwəru wɔnt te tɪn.

### *Swan yalɪ* na nuŋi WE te tɪn

<sup>13</sup> Nɔɔnu na wɪ abam wɔnt yɪ o jɪgt swan dɪ yəno, kuntɪ tu maŋt sɪ o taa tɔgt cwə-laa mu, sɪ o tu o tɪtɪ o kɪ kəm-laarɪ, sɪ ku brɪ nɪ o jɪgt swan. <sup>14</sup> Abam nan na jɪgt wɪ-gɪt dɪ pu-sɪŋa yɪ á lagɪ á yɪrant zənə, sɪ á yɪ zaŋt á brɪ á tɪtɪ nɪ á jɪgt swan. Á na kɪ kuntɪ, á fɔgt vwan mu sɪ ku dat cɪga. <sup>15</sup> Swan yantɪ doŋ dat swan yalɪ na nuŋi WE te tɪn. Ya yɪ lɔgɪ baŋa nyɪm mu. Ya maa yɪ nabiinə swan yalɪ na nuŋi sɪtaant te tɪn mu. <sup>16</sup> Bɛŋwaant, jəgə kalɪ maama nɔɔna na lagɪ ba tɪtɪ yɪrant zənə yɪ ba jɪgt wɪ-gɪt dɪ ba donnə tɪn, dáant mu vuvugə dɪ kəm-lwaanɪ dwi maama wɪra.

<sup>17</sup> Ku daart nɔɔnu wɪlɪ na jɪgt swan yalɪ na nuŋi WE te tɪn jɪgt wɪ-poŋo mu. O maa pat ywəni wɪ nɔɔna tɪtari nɪ, yɪ o jɪgt wɪ-bono, yɪ o nɪgt nɔɔna. O maa jɪgt o donnə ŋwaŋa lanyɪrant, yɪ o kɪ kəm-laarɪ dɪ o wəli da. O ba kuri nɔɔna daant, o nan dat pipiri-nyɪm. <sup>18</sup> Balɪ na



jıgı wu-zuru yı ba pat ywæni wu nɔɔna tıtarı nı tın wú ta yı cıga tiinæ WE yigæ nı.

## 4

Dı wu maɣı sı dı pa lıgı baɣa wænu fra zı dıbam

<sup>1</sup> BEE mu pat jara dıdaantı kantɔgɔ yæni ku wu abam tıtarı nı? Ku yı á fra na zıurı wo-balwaarı tım mu te ku jıgı á bıcara ku yaara, yı ku pat jara wu á wunı.

<sup>2</sup> Abam yæni á pat á fra mu zıurı wænu yı á nan ba na-tı. Ku ma pa á lagı sı á gı nɔɔna. Á yı tiini dı su wænu zanzan yı á warı-tı á na. Kuntı mu pat kantɔgɔ dı jara tui. Á ba jıgı wænu tılv á na lagı tın, beɣwaanı á wu loori WE sı Dı pa abam. <sup>3</sup> Abam nan na maɣı á loori WE dı, Dı bá pa abam, beɣwaanı á ma wıbuɣ-lwaanı mu á looræ. Á loori sı á taá ma kı á fra na zıurı wo-balwaarı tılv tın mu.

<sup>4</sup> Abam ba tɔgı WE dı cıga. Á yæri nı á fra na zı lıgı baɣa wænu á yı WE dına mu na? Wılv maama na pe o fra zı lıgı baɣa wænu tım tın jıgı WE dım mu. <sup>5</sup> Á yı taá buɣı nı kulı na pıpıunı WE tɔnɔ kım wunı tın yı kafe mu, dı ku na wı: «Joro kulı WE na kı dı bıcara nı tın lagı sı ku yırantı mu taa te dıbam.» <sup>6</sup> WE nan mu kı dıbam yu-yoɣo ku ja gaalı. Ku daa ta pıpıunı WE tɔnɔ kım wunı ku wı: «WE vın balı na yı kamun-nytna tın, yı Dı daartı Dı zæni balı na tu ba tıttı tın.»

<sup>7</sup> Kuntı tın, kwe-na á tıttı á kı WE jıɣa nı, sı á daartı á vın sıtaantı, sı dıntı wú duri dı viiri á tee nı. <sup>8</sup> Fıfɔ-na á tWE WE, sı Dı dı wú tWE abam. Abam lwarım-kæra-ba, lı-na á jta wo-lwaanı dı maama baɣa nı. Abam pıpiri-nytna-ba, zarı-na á bıcara sı á daa yı taá jıgı wırv tıle. <sup>9</sup> Á pa-na á wu cɔgı á lwarım dım ɣwaanı, sı á nywantı á yigæ á taá keeræ. Pa-na á mwaanı tım læni tı jı kæræ, sı á

wupolo kum læni ku ji wu-cɔɔɔ. <sup>10</sup>Tu-na á tıttı dı Yuutu wum yigə nı, sı oó ja abam o pa á zaɣı.

Á yı zaɣı á taá co daant

<sup>11</sup>A ko-biə-ba, á yı taá ɣɔɔnt wo-balwaarv da-yırant. Wulv maama na ɣɔɔnt wo-balɔɔv o ko-bu yıtra nı naa o cog-o tın, kuntu tu ɣɔɔnt o cɔɣı WE niə yam mv yı o yáalt-ya. Nmuv nan na yáalt WE niə yam, kv brı nı n daa n ba tɔɣı-ya mv, yı n ta kwəri n brı nı nmuv mv yı sartya-diru. <sup>12</sup>WE yırant mv te Dı niə yam, yı Dı tɔɣı-ya Dı ma di nɔɔna taant. Dıntv yırant mv wat Dı vrt nɔɔna Dı yaga, naa Dı cɔɣı-ba ba vıvn ɣwaant. Nmuv nan bvıɣı nı n yı wɔɔ mv, sı n di n doɣ taant?

Yı kı-na kamunni á swe WE ni nı

<sup>13</sup>Fɔɣı-na á cəɣı, abam balv na yəni á tɛ á wı: «Zım naa jwaant dı wv vu tıv kvdoɣ dı kı pipiu da bım dı na səbu» tın. <sup>14</sup>Á yəni á tɛ kuntu doɣ yı á yəri tıga na wv pıvırt sı á ɣwıa taa yı te. Á ɣwıa kam nan nyı dı kunu na li yı kv bá daant kv kɛ te tın mv. <sup>15</sup>Kv ya maɣı sı á taá tɛ nı: «Dı Yuutu WE na sɛ yı dı jwa ta ɣwı, dı wv kı kulv dı na bvıɣı tın.» <sup>16</sup>Kv nan yı á pa á tıttı kamunni mv dı á na wv kı wəənu tıv tın. Kamunni dım kuntu dwi maama nan ba lana.

<sup>17</sup>Kuntu tın, nɔɔnv wulv na ye kulv na lana sı o kı tın, o na wv kı, kv tu kı lwarım mv.

## 5

*Zakı* na kaant nadunə te tın

<sup>1</sup>Kv daartı abam balv na yı nadunə tın, fɔɣı á cəɣı-na. Taá keeri-na á coosə dı lɛɛrv tıv na lagı tı ba abam baɣa tın. <sup>2</sup>Abam jıɣıɣırv tım maama wv pɔ, yı cambırtı dı wv di á gwaarv tım. <sup>3</sup>Abam səbu-sıɣa kam dı á səbu kım maama wv svıɣı. Sartya dɛ dım nı kv svıɣım dım

kũntũ mũ wú brĩ nĩ á kĩ á tũsĩ, yĩ dũntũ ta wú di abam  
 yĩtra yam nĩ minĩ te. Lũgũ banyĩ tiim da yam nan twẽ, yĩ  
 abam ta fũgĩ á tĩjĩ á jũjũgũrũ tũm mũ. <sup>4</sup> Abam ta pĩnĩ balũ  
 na tũjĩ á kartĩ sũm nĩ ba pa abam tũn, á ba sũ sũ á űwĩ-ba.  
 Cegi-na á nĩĩ ba na pũũna te tũn. Balũ na kĩ abam wũdiiru  
 tũm ba kĩ digũ nĩ tũn kũrũ kam tũ Yuutu Banyĩ-Wũ zwẽ nĩ.  
<sup>5</sup> Á űwĩ lũgũ banyĩ nĩ paart wũntũ mũ, yĩ á kĩ á wũbũjũ  
 na lagĩ te. Á di á nuũ nĩ ba na kũntũ varũm sũ ba gũ te tũn.  
<sup>6</sup> Á ta kwũrĩ á patĩ balũ na jũgũ cĩga tũn ga bũra, yĩ á daartĩ  
 á gũ-ba, yĩ ba nan wartĩ á yĩgũ ba cĩ.

Dĩ manĩ sũ dĩ taá jũgũ wũ-zuru mũ sũ dĩ daartĩ dĩ taá  
 wartũ Wũ

<sup>7</sup> A ko-bĩ-ũ-ba, taá jũgũ-na wũ-zuru á maa nĩĩ manĩ kam  
 dĩ Yuutu wũm na wũ joorĩ o ba tũn. Taá nĩĩ-na valũ na  
 yũnĩ o zũrĩ o yĩtra te o maa cegi manĩ kam o faa na wú ba  
 kũ bĩ lanyĩrantĩ tũn. O yũnĩ o zũrĩ o yĩtra mũ o maa cegi  
 duum dũba dĩ fa-nĩ dũba. <sup>8</sup> Kũntũ, kũ manĩ sũ abam dĩ taá  
 jũgũ wũ-zuru mũ sũ á vũ á wũ lanyĩrantĩ, sũ dĩ Yuutu  
 wũm bá daantĩ yĩ o ba.

<sup>9</sup> A ko-bĩ-ũ-ba, á yĩ taá pũũntũ daantĩ, sũ kũ pa á ga bũra  
 Wũ tee nĩ. Nĩĩ-na, kũ twẽ kũ tĩ sũ Wũ di dũbam taantĩ.  
<sup>10</sup> A ko-bĩ-ũ-ba, gũlĩ-na Wũ nĩjũũnũ balũ dũũn na tũũlĩ Dĩ  
 kwũrũ kam tũn wũjũ. Ba dũũn nũ yaara zanzan yĩ ba vũ  
 ba wũrũ dĩ wũ-zuru. Kũntũ tũn, kũ manĩ sũ abam dĩ  
 lwũnĩ bantũ na kũ te tũn mũ. <sup>11</sup> Kũ na yĩ balũ na jũgũ  
 pu-dĩa kantũ dũjũ tũn, dĩ ye nĩ ba nũ wũpolo Wũ tee nĩ.  
 Abam nan manĩ á ye Zobi dũũn na kũ pu-dĩa o yaara yam  
 wũntũ te, yĩ á kwũrĩ á ye Wũ na pũ-o kũlũ kũ kweelim nĩ  
 tũn. A lagĩ a ta cĩga mũ dĩ abam sũ, dĩ Yuutu Wũ tiĩnĩ Dĩ  
 jũgũ dũbam űwanyĩ, yĩ Dĩ dũrĩ dũbam yĩbwũnũ lanyĩrantĩ.

<sup>12</sup> A ko-biə-ba, kú na dwe dıdı, á yı taá tE á duə. Yı du-na dı WE naa tıga naa dı kúlkúlv dı. Á pa-na á EEn taa yı EEn, sı á awo taa yı awo, sı kú yı pa WE di á sarıya.

<sup>13</sup> Abam wúlv na wú cam wúntı, sı o loori WE. Abam wúlv nan na jıgtı wúpolo, sı o taa leeni o zuli WE. <sup>14</sup> Abam wúlv nan na ba jıgtı yazurə, sı o bəji Zezi kəgə kúmv nakwa bam, sı ba ba ba kı nügə o yuu ntı ba loori WE ba pa-o dı Yuutu Zezi yırtı ŋwaanı. <sup>15</sup> Ba na kı ba wú-dıdva ba loori WE kúntv doŋ, nəənv wúmv wú sıntı o na yazurə. Dı Yuutu wúmv wú pa o wəri, yı o na kı lwarımv dılv maama tın, WE wú yagı Dı ma cE-o. <sup>16</sup> Kúntv ŋwaanı, kú marı sı á taá vırtı á tE á lwarımv mv á brı daantı, sı á daarı á taá loori WE á pa daantı, sı WE wú pa abam yazurə. Nəv-ŋúmv WE-loro tiini kú dana lanyırantı, kú wat kú pat wo-kamunə kıa. <sup>17</sup> Guli-na Eli dEEn na kı te tın. O dı yı nabiinu mv ntı dıbam te, yı o loori WE dı o wú maama sı dva yı zarı ka ntı, yı ka sıntı ka wú ntıgtı bına yatə dı cant sırdv. <sup>18</sup> O daa ma joori o loori WE, yı ka laan ba ka ntı, yı tıga baŋa wəənu maama joori tı pulı tı nuŋı tı kı lanyırantı.

<sup>19</sup> A ko-biə-ba, abam wúlv na ywəri cıga cwəŋə kam wúntı yı o doŋ na want o pa o joori o ba ka wúntı, kú lana. <sup>20</sup> Á nan taá ye ntı, wúlv na want o pa lwarımv kəru joori o ba cıga cwəŋə kam wú tın, nəənv wúmv kúntv vrtı lwarımv kəru wúmv túbntı jıŋa ntı, yı WE yagı o wo-lwaanv tılv zanzan o na kı tın Dı ma cE-o.

WƐ TƆNƆ dɪ kasɪm

Kasem (Kassem): WƐ TƆNƆ dɪ kasɪm New Testament

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 25 May 2022

993cfae5-b100-5981-87e7-5a648d773cb9